

Kalaallit Nunaanni aningaasat pappiaqqat pillugit inatsisip nr. 436, 14. maj 2007-imeersup Folketingip atorunnaarsitsinissaata siuartinneqarnissaa siunertaralugu Naalackersuisut danskit naalackersuisuinut saaffiginnissuteqarnissaannut piginnaatinneqarnissaat pillugu Inatsisartut aalajangiiffigisassaattut siunnersuut, taamaaliornikkut kalaallit aningaasaannik pappiaqqanik immikkut ittunik suliaqarneq pillugu suliniuteqarneq unitsinneqassamat.

(Aningaasaqarnermut Naalackersuisoq)

Saqqummiussissut

(Aningaasaqarnermut Naalackersuisoq)

1. Siullermeerneqarnera

Inatsisartut 2006-imi (UKA2006/52) Kalaallit Nunaanni Aningaasat Pappiaqqat pillugit inatsisissamut danskit naalackersuisuisa siunnersuutaat isumaqatigalugu akuersissutigaa. Tamatuma kingorna inatsit nr. 436, 14. maj 2007-imeersoq Folketingip akuersissutigaa kalaallillu aningaasaannik pappiaqqanik suliaqarneq Nationalbankimi aallartinneqarluni. Kalaallit aningaasaat pappiaqqat immikkut ittut 1. januar 2008-mi atorneqalernissaat pilersaarutaasimagaluarpoq.

Tamannali iluatsissimangilaq. Naalackersuisut 2009-mi pilersaarutit aallartinneqarnikut naammassineqarsimangitsulli naliliiffigineqartussanngorlugit suliamik aallartitsinissamik akuersissuteqarput Naliliinermi pineqarpoq pilersaarutit sutigut innuttaasut ulluinnarni atugaannut oqilisaataasinnaanersut, aningaasallu atorneqartut inuiaqatigiinnut pitsaanerpaamik iluaqutaanersut.

Taamaammatt Nationalbanken qinnuigineqarpoq kalaallit aningaasaannik pappiaqqanik suliaqarneq unitsikkallaqqullugu.

Naalackersuisut maanna kalaallit aningaasaannik pappiaqqanik eqqussinissamik naliliinertik naammassivaat. Naliliineq aalajangiiffigisassatut siunnersuummut matumunnga "Kalaallit aningaasaat pappiaqqat pillugit Nassuiaat"-mut ilanngunneqarpoq.

Inerniliinermi kalaallit aningaasaannik pappiaqqanik ulluinnarni atukkatigut aningaasaqarnikkulluunniit iluatinnangitsutut nalilerneqarpoq. Taamaammatt inassutigineqarpoq kalaallit aningaasaannik pappiaqqanik immikkut ittunik eqqussisoqassanngitsoq Inatsisartut akuersissutigissagaat. Taamaammallu aamma Statsministeriet aamma Nationalbanken qinnuigineqassasut taamatut suliaqarnertik unitsissagaat.

Siullermik siunnersuummi atugarissaarnerulerneq anguneqarnani atugarliornerulerneq anguneqartussaaavoq. Taamaammatt kalaallit aningaasaannik pappiaqqanik pigisaqalernissamik kissaateqarneq ingerlatiinnassallugu tunngavissaqanngilaq.

Oqaatsit taakku atorlugit siunnersuut Inatsisartunut suliarineqartussanngorlugu tunniuppara.